

# AVE MARIA ZENEIZE

## 1ª STROFA

Campann-a che ti seunni in mèzo a-o verde  
co-a voxe secolare e tanto caa,  
in questa paxe l'anima a se perde  
e i tò reciocchi invitan a pregâ:

## 2ª STROFA

E passan òe, giorni, meixi e anni!  
Chi nasce, cresce, invecgia e scompariâ...  
A vitta a passa in mèzo a tanti affanni  
ma, sempre, a tò caa voxe ghe restiâ:

## RITORNELLO

AVE MARIA  
a-o fâ da seia  
quande in te l'ombra  
s'asconde o mâ.

AVE MARIA  
co' chêu sincero  
e un cào pensiero  
pe chi è lontan.

AVE MARIA  
pe chi va via  
co-a nostalgia  
do sò fogoâ.

AVE MARIA  
pe chi l'è in penn-a,  
pe chi ha 'na spinn-a  
ciantâ in to chêu.

O STELLA MARIS  
AVE MARIA!...  
Avarda sempre  
chi l'è pe-o mâ!

